

# جیزدک محاکمہ

۱۲۹۰

✽ صالی ✽

116

نومرو	ذی القعدہ	سنہ	ایلول	سنہ	صفیہ
۱۱۶	۳	۱۲۹۸	۱۶	۱۲۹۷	۹۲۱

اشبو غزته بهر هفته صالی کونلری چیقار . سنہ لکی مجیدی اچہ التمش غرو شدر بهر نسخہ سی التمش  
 پارہ مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .  
 سنہ لکنه مشتری اولوق استیانلر عدلیه نظارت جلیله سی اوراق مدیر لکنه مراجعت ایتلیدر

بروجه مفردات بیان اولتوق اوزره اوراق لازمه نك  
 اوفوناقلی صورتده اوله رق تختیمی خصوصنك  
 تعمیماً اشعاری محکمه تمیز حقوق دائره سی ریاست  
 علیه سندن بامذکره بیان اولندیغنك طرفکره ازباری  
 امور حقوقیه مدیر یقندن افاده اولمغین برمنوال  
 محرر ایجابنك اجراسی سیاقنده

( عدلیه نظارت جلیله سندن فی سلح سوال )  
 ( سنه ۹۸ تاریخیه در سعادت وطشره محاکم )  
 ( استینافیه سی مدعی عمویلکرینه تسطیر )  
 ( اولنان عموم صورتیدر )

طشرده وقوعبولان تمیز استعداری اوزرینه  
 رؤسای محاکم جانبندن محکمه تمیز حقوق دائره سنه  
 مشرفاتیله برابر کوندر لکنه اولان اعلانات  
 نظامیه ایله سائر اوراق مصدقه زیر لرینه محاکم  
 ومقاولات محرر لکرنندن موضوع ومطبوع اولان  
 مهر لک اکثری اوقونمز درجه ده اولسی و او مثللو  
 اوراقه مهر سز نظریله باقلاق طبیعی بولنسی حسینیه  
 بونلر یکیدن لاجل التختیم محللرینه اعاده اولتمقده  
 بوننکله برابر وصایای مقتضیه دخی ایفا قلمقده  
 اولدیغی حالده بعض محللرجه بونک تکرر وقوعی  
 کورلش وشو حال اصحاب مصالحک تأخیر حقوقی  
 مستلزم اولمسندن طولای منافی معدلت بولنمش  
 اولدیغندن بعد ما بو یولده دقتسزلکی وقوعه کلک

( یوز اون بشنجی نومرو لی جریده محاکمه )  
 ( مندرج اعلامک بقیه سی )

شمدی بوغاز ایچینه واپور ایشلدیکی تاریخندن  
 اعتبار ایملک لازم کلور دینلسی هم اراده سنیه به  
 وهمده فرمان عالی به وقانونه کلیاً مغایر اولوب  
 محضاً شرکتک خلاف قانون ادعازه قیام ایلسی  
 مع گذشته دینی اولان بش بیک عدت عثمانلی لیراسنك  
 تأخیر تأدییه سنه بر یول ارامقندن عبارت اولدیغنه  
 تأخیر اولیده واقع اولان بالجمله ادتارک ردیله

اعلام مذکورک تصدیقی حاویدر  
 طرفین و کیلاری استجواب اولندقدده لایحه لری  
 مندرجاتی تکرار ایله اکتفا ومدعی عمومی معاونی  
 امانت مشار الیهانک شرکت مذکورده علیهنه  
 اچمش اولدیغی دعوی بر مبلغک تحصیلدن عبارت  
 اولدیغندن بونک مرجع رؤیتی محکمه تجارت بریه  
 ایدوکنی شفاهاً بیان و اولنان سؤال اوزرینه بوبانده  
 بشقه بر دیه جکلری اولدیغی افاده و انبا ایلدکلرندن  
 وظیفه حقنده کی محاکمه لرنک ختام بولدیغی طرفین  
 و کیلارینه افهام ایله وقتک عدم مساعده سنه مبنی  
 ایشک مذاکره سی یوم آخره تعلیق قلمشیدی  
 مؤخرأ طرفین و کیلاری کله رک ایجاب کیفیت تذکر  
 اولندقدده مستأنف و کیلنک خلاصه ادعای درجه  
 اولی محکمه سی شهر امانتک شرکت خیریه علیهنه  
 اقامه ایلدیکی دعوانک منشائی نظر دفته المیوب  
 اساس ادعا حاصلات صافیه دن یوزده بش مقداری  
 مبلغک تحصیلی طلبندن عبارت اولدیغنه ذهاب ایله  
 مضبطه حقنده و ردیگی قرار ذیل قانون تجارتک  
 یکر می طقوزنجی ماده سنه مغایر اولدیغی و چونکه  
 شرکت خیریه واپور لرنک امتیاز اخیری مقابلنده  
 حاصلات صافیه سندن یوزده بشک امانت مشار  
 الیهایه اعطاسی امر نده هیئت اداره نک اول و آخر  
 بر کونه ترددی اولیوب مسئله نک اساساً مختلف فیه  
 اولان جهتی اولکی مدت امتیاز یه نک تعیین مبدئی  
 بحثنده اوله رق بونی امانت مشار الیها اولکی فرمان  
 عالی تاریخندن شرکت خیریه دخی منحصراً بوغاز  
 ایچنده واپور ایشلشدیکی تاریخندن اعتبار ایتمک  
 ایستدیکی جهته دعوانک اساساً حل اولنه جق  
 جهتی اولکی مدت امتیاز یه نک عائد اولدیغی  
 محکمه ده تعیین مبدئی مسئله سندن عبارت اولدیغندن  
 اعلام مذکورک فسخیله کیفیتک مرجع نظامیسی

اولان محکمه تجارت بحریه یه حواله سی خصوصندن  
 عبارت ایسه ده امانت مشار الیهانک شرکت خیریه  
 علیهنه اچمش اولدیغی دعوی تمدید مدتی متضمن  
 اولان ایکنجی فرمان عالی موجبده شرکت مذکورده  
 حاصلات صافیه سندن باراده سنیه تخصیص  
 بیورلمش اولوب طرفینک طلب و اعترافنده بولنان  
 یوزده بش مبلغ مقطوعک تحصیلی ضمننده برنجی  
 امتیاز عالیسنک مبدأ و منتهای تاریخی مسئله سی  
 اوله رق بوده انونیم بر شرکت امتیازیه نک تدقیق  
 تاریخله تعیین ابتدا مسئله منازع فیهاسندن عبارت  
 اولغله صرف تجارت بریه یه عائد و اددن اولدیغندن  
 مستأنفک اعتراض واقعنک دینه متفقاً قرار  
 ویر یله رک طرفین و کیلارینه تقیم قلمشیدی

بعده طرفین و کیلاری کله رک مدعی عمومی معاونی  
 توفیق بک حاضر اولدیغی حالده محکمه تمیز حقوق  
 دائره سندن ورود ایدن فی ۱۳ ربیع الآخر سنه  
 ۹۸ تاریخلی اعلام مواجهه لرنده قرائت اولندی

مفادی درجه اولی محکمه سندن وظیفه و اساس  
 دعویه دائر لاحق اولان هرایی قرار علیهنده  
 استیناف دعوی اولندقدد نصکره شرکت مذکورده  
 و کیلی طرفندن اساس دعوانک ترک و اعتراضک یا لکنز  
 وظیفه ماده سنه حصر ایلدسیله نزار استینافینک  
 دخی اولصورتنه صادر اولسنه کوره قرار مذکور  
 قطعی کور یله مدیکی کبی تلاقیسی غیر قابل بر  
 ضرری استلزام ایلان قرار قرینه ردن دخی معدود  
 و قابل تمیز اولدیغندن اصول محاکمه حقوقیه قانون  
 موقتک ایکوز اون سکرنجی ماده سی مدلولجه تمیز  
 استدعاسنک ردینی میندر

بوصره ده مستأنف و کیلنک لایحه سنه علاوه

ردیکی رقه بعدالمطالعه زیرده درج قلدندی  
 محکمه علیه لرندن تنظیم و اعطایقنان فی ۱۹ ذی القعده  
 ۹۷ تاریخلی قرار نامه نک تمیزاً رؤیت و تدقیق  
 اولان ایکنجی فرمان عالی اولمش و قرار واقع  
 حاصلات صافیه سندن باراده سنیه تخصیص  
 بیورلمش اولوب طرفینک طلب و اعترافنده بولنان  
 یوزده بش مبلغ مقطوعک تحصیلی ضمننده برنجی  
 امتیاز عالیسنک مبدأ و منتهای تاریخی مسئله سی  
 اوله رق بوده انونیم بر شرکت امتیازیه نک تدقیق  
 تاریخله تعیین ابتدا مسئله منازع فیهاسندن عبارت  
 اولغله صرف تجارت بریه یه عائد و اددن اولدیغندن  
 مستأنفک اعتراض واقعنک دینه متفقاً قرار  
 ویر یله رک طرفین و کیلارینه تقیم قلمشیدی

عالی بی نظر دفته الهرق حکمی اکابنا ایتدیکنی ومدعی  
 عمومی معاونی توفیق بک اورمان و معادن امتیاز لری  
 ایچون ویرلمکده اولان فرمان عالی تاریخ لری امتیاز  
 مدتیه مبدأ اعتبار اولنه کلوب بنابرین عکسی اثبات  
 اولندقدده اعلام مستأنف بهک محقق عدد ایلدسی  
 لازم کله جکنی و معامله یه امتیاز تاریخندن صکره  
 بدأ ایلدش اولسنک سررشته اتخاذیله امتیاز مدتک  
 تاریخ معامله دن حساب ایلدک ایستدسی اصل جائز  
 اوله میده جغنی ووقو عبولان سؤال اوزرینه بشقه  
 بر دیه جکلری قالدیغی اوسو یلدکلرندن محاکمه لرنک  
 ختام بولدیغی افهام اولمشیدی

بونک اوزرینه ایجاب کیفیت تذکر اولندقدده مستأنف  
 و کیلنک خلاصه اعتراضی فرمان عالی اخیر ایله  
 اکا مربوط نظامنامه ده بوغاز ایچنه واپور ایشلتمک  
 اوزره مقدمه شرکت خیریه یه احسان بیورلمش اولان  
 یکر می بش سنه مدت امتیازیه یه اون سنه دهها علاوه  
 قلدیغی و بوکا مقابل ابتدای مدت امتیازیه نک ختام  
 و انقضاسی تاریخندن اعتباراً حاصلات صافیه سندن  
 یوزده بشک بهر سنه امانت مشار الیهایه اعطاسی  
 مشروط اولدیغی مصرح وشو حالده بر انتهایه  
 بر ابتدانک وجوب و لزومی واضح اوله رق بوا بداندک  
 تعیین ایسه اولکی فرمان عالی نک مطالعه سیله  
 رهین مرتبه ثبوت اوله جغنی بدیهی ایکن بوندن  
 اغراض عین ایله استدما خارجنه چیقلسی و (شرکت  
 خیریه نک عتیق امتیاز فرماننده معین اولان یکر می بش  
 سنه مدتک طقسان سنه سی توزی ابتدا سندن اعتباراً  
 منقضیه اولدیغی مندرجاتیله متحقق و متبیین اولدی) دینلسی  
 مقدمه سز قضیه دن نتیجه استخراج ایتمک قییلندن  
 اولوق شویله طور سون اولکی مدت امتیازیه نک  
 شهر مذکور ابتدا سندن اعتباراً منقضیه اولدیغنه  
 دائر نه اولکی ونده صکره کی فرمان عالیله بر قید

واشارت اولديغندن قرار واقع بالوجوه مغاير اصول  
 ونظام اوله رق فسختي صورتنده ايسه ده اعلام  
 مستأنف بهده كوسترلديكي اوزره شركت خيرييه  
 طرفندن شهر امانتده اعطاسي تعهد اولنان مبلغك  
 جهت تأديه سنجه اثر اختلاف اوليوب انجسق  
 مسئله مختلف فيها تأديات امرنده مبيانت زمانه  
 اولسنه و بو ايسه امتياز فرمان عاليسي منطوق منيفي  
 ونظامنامه شركتك مندرجاتي ايله حل اولنه جق  
 مسئله اوله رق شركت خيرييه نظامنامه سنك اينكجي  
 ماده سنده امتياز مدتك ختامندن اعتباراً اون سنه  
 دهها تمديد مدت قلنه رق شركت خيرييه نك حاصلات  
 صافيه سندن بهر سنه شهر امانتده يوزده بش تأديه  
 اولنه جغني محرر و امتياز فرمان همايونك قرة اخيره  
 سنده دخي شركت مذكوره نك مدت انقضاسي تاريخندن  
 معتبر اولق اوزره اون سنه دهها تمديدي مقرون  
 مساعده سنيه حضرت پادشاهي اولديغي مسطور  
 اولسنه وشوقدر كه اعلام مذكوره شركت خيرييه نك  
 عتيق امتياز فرماننده معين اولان يكرمي بش سنه  
 مدت امتياز به نك طقسان سنه سي تموزينك ابتداسنده  
 منقضيه اولديغي محرر ايسه ده فرمان عالي تاريخي  
 اولان التمش يدي سنه سي ربيع الاولينك غره سي  
 التمش التي سنه سي كانون اولنك يكرمي اوچنه  
 مصادف اولسيه عند الحساب يكرمي بش سنه مدتك  
 طقسان بر سنه سي كانون اولنك يكرمي اوچنجي كوني  
 رهين انقضا اولديغي تبين التسنه و بومثللو شركت  
 ايجسون و بريلان امتياز لرك مدتلي فرمان عالي  
 تاريخلرندن معتبر اولوب مستأنف و كيلنك ادعا  
 ايلديكي وجهله مذكور شركت امتياز نك ايكي الدن  
 كچك كنصكره اداره حاضره يدينه تقريريله بو غاز ايجنه  
 واپور ايشلتدير لديكي تاريخندن مقدم مرور ايدن

مدتك داخل حساب ايدلسي هيچ برامثال و تعامله  
 موافق كوريله مامله برابر مستأنف و كيلنك افاده سي  
 يولنده نه فرمان مذكوره بر مساعده موجود ونه ده  
 بومدت ايشي مواد سارويه معلق براغلس اولسنه  
 ومدعي عمومي معاونت مطالعه مسروده سي دخي  
 بومر كرده بولسنه بناء شوقالده اصول محاكمه  
 حقوقيه قانون موقتك يوز طقسان التجي ماده  
 سنك قرة اولاسي موجبجه درجه اولي قرار نك  
 اصلاحاً تصديقيه مار البيان ممتاز اول مدتك  
 انقضاسي تاريخي اولان طقسان بر سنه سي كانون  
 اولنك يكرمي درنجي كونندن اعتباراً حاصلات  
 صافيه سندن يوزده بش مع فائض امانت مشار اليها  
 وزنه سنه اعطايه شركت مذكوره اداره سنك مجبور  
 اولسنه و ضرر و زيان ماده سنه كلنجبه ذيل قانون  
 تجار تك طقسان طقوزنجي ماده سي حكمه براجيه نك  
 تأخرايفواستيفاسندن طولاني اخذ كسب صلاحيت  
 ايديله جك شي گذشته دن عبار اوله رق حاصلات  
 مذكوره نك تاريخ مذكور دن اعتباراً يوزده بردن  
 فائضك يوريدلسنه و امانت مشار اليها و كيلنك  
 لايحه سنه علاوه محكمه يه و رديني ورقه ده بشيك  
 ليرايه يوريدلس اولان گذشته نك رأس المال عديله  
 گذشته يه گذشته حساب ايدلسي و ويريله جك  
 حكمك موقه اجرا سنك دخي تحت قراره التمشي  
 طلب اولنوب حالبو كه شركتك امانت مشار اليها يه  
 اعطايه مجبور اولديغي حاصلات صافيه نك يوزده  
 بشندن عند الحساب تبين ايد جك مقدار مبالغه امتياز  
 فرمان عاليسي اولان في ۱ ربيع الاول سنه ۶۷ و في ۳  
 كانون اول سنه ۶۶ دن بدأ ايله في ۲۳ كانون اول  
 سنه ۹۱ تاريخنده رهين انقضا ولان يكرمي بش سنه  
 مدت امتياز به نك ختامندن اعتباراً بوجه بالا يوزده

بردن گذشته و يرلسي ايجاب ايدرك شمديدن تراكم  
 ايدن فائضك رأس الماله ضميمه فائضه فائض يوريدلسي  
 ذيل مذكورك يوزنجي ماده سنه مغاير اولديغندن  
 و اصول محاكمه قانون موقتك بتش اينكجي ماده سنك  
 قرة اولاسيله يوز او توننجي ماده سنه نظراً اجرائي  
 بوقتي مستلزم اسباب قانونيه دخي كوريله مديكندن  
 شو ادعارك رديته و مصارف محكمه اوله رق زيرده  
 مرقم جعاً در يوز او تون بيش غروشك مستأنفه  
 مائد اولسق اوزره مستأنف عليه دن اخذينه درجه  
 ثانيه ده متقماً قرار و يريله رك طرفين و كيللرينه  
 تفهيم قلندي

( في ۱۲ جمادى الاولى سنه ۹۸ و في ۳۰ )  
 ( مارت سنه ۹۷ تاريخيله محكمه استيناف جنحه )  
 ( قسمندن و يريلان اعلامك صورتيدر )

فائض جوارنده دستكاهچيلر محله سنده ساكن اسيرجي  
 محمد افندي طرفندن عليه رينه اقامه اولنان ساخته  
 سند دعواسي اوزرينه در سعادت مركز بدایت محكمه سي  
 جزا اثره سندن و يريلان قراره عدم قناعتله كيفيتك  
 استينافاً رؤيت و تدقيقني مستدعي موقوف بيكباشي  
 اسماعيل و توتوننجي شوق و حاجي يوسف مهر ليله  
 محتوم اعطا اولنان عرضحال بو خصوصه متفرع  
 اوراق ايله بر نشدير يله رك محكمه استيناف جنحه  
 قعمنه اسبال قلمغله قرائت و مطالعه اولندي  
 درجه اولي محكمه سي قرار نامه سي مآلي مظنون عليه مدن  
 حاجي يوسف ايله شوقينك منازع فيه سندي ساخته  
 اوله رق تنظيم ايتدكاري تحقيقات و اخبارات و طوبوخانه  
 عامره صنايع الايي بيكباشيسي اسماعيل افانك دخي  
 مذكور سندي ساخته اولديغي بيله رك استعمال  
 ايلديكي طابعاً وقوعبولان اقراري ايله تحقيق

ايلديكندن قانون جزانك يوزاللي بشنجي ماده سي  
 حكمه توفيقاً حاجي يوسفك بر بچق و اسماعيل  
 انا ايله شوقينك بر رسته حبسرينه و عرضحالجي  
 جمالك دخي بو باده يلان يره شهادت ايلديكي  
 اقراريله متبين اولديغندن ايكي يوز سكرنجي ماده  
 قانونيه حكمه تطبيقاً و طقسان سكر سنه سي صقرينك  
 اينكجي كونندن اعتباراً بر ماه حبسنه و يوزاللي  
 غروش اعلام و يوز التمش استنطاق و التمش غروش  
 خدمه اجرتك سويأ مرقوموندن استيفاسنه  
 و جاريه نك استردادندن طولاني مدعي شخصي  
 محمد افنديك مرجع مخصوصنه مراجعت ايتسنه  
 قرار و يرلديكي ميبندر

مستأ نفلر دن شوق و حاجي يوسف طرفلرندن  
 مشتركاً اعطا اولنان لايحه اعتراضيه مفادي مدعي  
 شخصي اسيرجي محمد افندي جاريه بدله اولان  
 يوزليراي بيكباشي اسماعيل افانك مخبر عرضحالجي  
 جمال و كامل و محي الدين و ديكر جمال افنديلر ايله  
 شفيق و محمد اغالر حاضر اولدقلى حالده بالاخذ  
 سندي بونلر دن عرضحالجي جمال افندي تحرير  
 و محمد افندي تخيم ايدرك مومي اليه اسماعيل  
 اغايه تسليم اولنش اولديغي و حقلرنده ساخته  
 كارلق عزو اولنديغي حالده بدایت محكمه سي سندي  
 اهل خبره معرفتيله معاينه ايتدير مدكدن ماعدا  
 مهر ماده سنه دخي اصلا اهميت و برميوب محمد  
 افنديك افاده سنه بنا ايدرك تحقيق ته ايتدار ايله  
 مهر مرقومك اولوب اولديغي قاله التمامش و استعمال  
 ايلديكي مهر ايله تطبيق ايدلامش ايدوكي و مرقوم  
 محمد افندي امور ديدنه اولوب اغضال اولنور  
 طاقندن اولديغنه نظراً سند ساخته اولسه صانديغي  
 جاريه حقه نه نظاماً پروتستو ايتسي لازم كله رك  
 و خصوصيله مرقوم محمد افنديك حسب الوكاله

طرفلرینه با اعلام محکوم به یوز لیرا دینه مقابل  
 جاریه مزبوره بداندن علی الاصول تحت مجزه  
 النمی قابل ایکن مرقومک ادعا ایلدیکی ساخته  
 کارلغی اختیاره نه لزوم اولدیغی وطوبخانه مجلسنه  
 تقدیم اولسان استدعا اوزرینه طرفین اوراجه  
 استجواب اولندقدن مومی الیه بیکباشی اسماعیل اغا  
 مذکور یوز لیرا بی تأدیه ایلدیکنی تذکار ایش  
 اولدیغی مثللو مرقوم محمد افندی دخی سندده کی  
 مهری انکار ایتسنه مبنی کندومهر یله تطبیق  
 اولندقدن مهر کندوسنک اولدیغی اکلا شلش ایکن  
 کیفینک مجلس مزبور ایله باب فتوا پناهیدن استعلامی  
 لازم کلدیکی حالدده کرک مستنطق و کرک محکمه  
 طرفندن بورالره قطعا رعایت اولمیهرق حکمه قاشلسی  
 وعارضحاجلی جمال افندی ایله بیکباشی اسماعیل اغا  
 خصوص مدعی ابدا استنطاقلرینه طوغریجه  
 بیان ایتشلر ایکن مؤخرأ نکول ایتلری مرقوم محمد  
 افندینک تشویق واعفاله مبتنی ایدوکی ومخبر نیازی  
 افندی ایسه مدعی شخصینک محله سی امامی اولوب  
 کامل افندی دخی ذاتاً احباسندن اولدیغندن علیهلرنده  
 خلاف واقع اخبار اتده بولندقلری جهتهل بدایت محکمه سی  
 اصول محاکمات جزایه قانون موقتک التمش بشجی  
 ماده سنه توفیقاً تدقیقات مهتضیه بی اجرا ایتیه رک  
 علیهلنده ویرمش اولدیغی حکم وقراری قبول  
 ایده میه جکلرندن فسخی استدعا سندن عبارتدر

وقوعبولان طلب اوزرینه مستأنفلردن بیکباشی  
 اسماعیل اغا طوبخانه عامره قائمقاملردن عزتلو محمد  
 بکه ترفیقاً کوندرلش وحاجی یوسف وشوقی  
 دخی حبسخانه عمومیدن کتورلش اولغله مستأنف  
 علیه اسیرجی محمد افندی ایله مدعی عمومی معاون  
 ثانیسی توفیق بک حاضر اولدقلری حالدده مستأنفلردن

اولان مبلغک تأمین استیفا سیچون کندوسنده قلمسی  
 خطارینی حاوی اعلامات شرعیه اجرا مأموریتک  
 برقطعه پوصله سنی ابراز ایتدیکنه وشو صره ده  
 نازعه دخی وقوعه کلدیکنه مبنی اورادن قلقوب  
 ماه سنه کتد کدن اوج کون صکره منازع فیه  
 اولان سند محمه افندیدن الندیغندن بحثله کندوسنه  
 ویرلدیکنه ومؤخرأ ایشک طوبخانه مشیریت  
 جلیله سنه استدعا اولمسنه مبنی بالآخره علیهلنده  
 وایله بر حکم ویرلش ایسه ده مذکور سندک کیمک  
 طرفندن یازلدیغندن خبری اولدیغی کبی مذکور  
 سندک حاجی یوسفک خانه سنه کندوسنه ارأه  
 ایلدیکنک اصل واساسی اولدیغنی وشو حالدده  
 صلی بیلدیکی سندک ساخته اولدیغنی بیلهرک استعمال  
 لاش اولدیغنه دائر بدایت محکمه سنک حقنده  
 ویرمش اولدیغنی قرار موافق قانون اوله میه جفندن  
 فسخی ودیکر مستأنف شوقی دخی اجرا مأموریتندن  
 خطار ورقه سنی حاجی یوسفک خانه سنه اجد  
 بکک اوشاغی وحاجی یوسف حاضر اولدقلری حالدده  
 اسماعیل اغایه ابراز ایلدیکنندن اسماعیل اغانک منازع  
 فیه اولان سندنی الدیغنی بالبیان کندوسنه ارأه  
 ایلدیکنی وسندک صورت ترتیب وتنظیمندن معلوماتی  
 اولدیغنی وحاجی یوسف دخی بدایت بیان  
 معلومات ایتدیکی سرد اولنان کسانک اسمی موجود  
 جسمی ناموجود اولوب ساخته لکی درمیان اولنان  
 سند کندو خانه سنده عرضحاجلی جمال افندی جانبدن  
 اسماعیل اغا وشاهد اولهرق کوستریلان ذوات  
 حضورلر یله یازیلوب ومحمد افندی اوراده مهر ایوب  
 بیکباشی اسماعیل اغایه ویرلدیکنی وشوقینک  
 بومعاملاتدن یارم ساعت مرورندن صکره کلدیکنی  
 واسماعیل اغانک پاره بی ویردیکنی انکار ایله سندی  
 کندنی خانه سنده وقوعبولان اجتماعندن ایکی

کون صکره الدم دیسی دیکر یله او یوشملردن ایلرو  
 کلدیکنی وسندده محرر الاسامی کسانک جلیله یله  
 استجواب ایلدیلرینی بالبیان قرار لاحقک فسخی ادعا  
 واعراضات سائرلرینی لایحه لری مندر حاتنه بنسا  
 ایلدیلر مستأنف علیه محمد افندی دخی ککیقتی  
 مضبوط افاده سی دائره سنده بیان وحکایه ایله قرار  
 لاحقک تصدیقنی ادعا ایلدی مبحث عنه اولان  
 سندده اسامیسی محرر مخبرلر ایله حکاکر کتخداسی  
 افندی جلیله شاهدلردن عرضحاجلی جمال افندینک  
 علی الاصول معلوماته مراجعت اولندقدن دائره  
 استنطاقجه مضبوط اولان افاده سنی تکرار ایله طقسان  
 التی سنه سی جزیرانک اون اوچجیمی جمعه کونی حاجی  
 یوسفک خانه سنه کتدیکنده اسماعیل اغا ایله اسملرینی  
 مؤخرأ او کوندیکی توتونجی شوقی وخدمه دن  
 محمد اغا وکامل واسیرجی محمد افندیلر ایله ثروت  
 خانم نامنده برقادینی بولوب مومی الیه اسماعیل اغا  
 اسیرجی محمد افندیدن یوز لیرایه برجاریه اله جفندن  
 علت قدیمه سی ظهور ایدر ایسه اعاده ایتدیکنه  
 (بقیه سی صکره)

اعمالات

حسن پاشا خاننده بوسنه لی سعادتلو فاضل پاشا  
 حضرترلرینک اوطه سندن سرقته اجتسار ایتلردن  
 طولابی جنایتله اتهام اولنان قره مانلی فراری اندریا  
 شمندی به قدر اثبات وجود ایتماش اولدیغندن قانونه  
 اطاعتله محکمه یه کلک اوزره کندوسنه جانب ریاستندن  
 مجرداً اون کون مهل ویرلش اولغله مدت مذکور  
 ظرفنده محکمه یه کلدیکی تقدیرده قانونه اطاعت  
 ایتماش نظریله باقیلهرق حقوق مدینه دن اسقاط  
 اولنه جغنی ومحاکمه غیایه سی اجرا ایلدیله رک اموالی  
 دخی جز ایلدیله جکی وبواشاده کندوسنک دعویاه

حقی اولیہ جغی و محلی بیلتلر خبر و یرمه که مجبور اولوب  
مرقومک اخذ و گرفت امری دخی ایجاب ایدنلره  
و یرلش اولدیغی اعلان اولنور

غلطه ده قلیج علی پاشا جاده سنده مقدا صرافلق  
ایتمکده ایکن بو کره فرار ایدن تبعه دولت علیه دن  
یورکی اتمیادینک لاجل الحفظ قصه سنه وضع ایدلش  
اولان یورکی دو قه امضالی وارمنی العبارة یوز لیرایی  
حاوی بر و کذلک یورکی دو قه امضاسنی ویانی ریتقه  
کفالتنی ویوز اون بش لیرایی شامل رومی العبارة بر که  
جعا ایکی قطعه سنک کفالت بر ربط اولنهرق مدعیلر دن  
اککچیلر کتخداسی اطناش شالچیانه و ایکی عدد کبیر  
سیم یمک قاشغی و بر عدد سیم ظرف ایله بر عدد انتیقه  
التونک اوستریا و مجارستان دولتی تبعه سندن اسانه  
واستالیه قدینه اعطاسنه بک اوغلی بدایت محکمه سی  
برنجی حقوق دائره سندن غیاباً صادر اولان اعلامده  
حکم اولدیغی محرر اولوب اجرای ایجابی استدعا  
اولنسنه بناء بر موجب اعلام حضوری لازم کلان  
بک اوغلی مدعی عمومیلکی و اجرا دائره سیله یونان  
دولتی قجیلاریه سی جانبندن تعیین اولنان مأمورلر  
و ایجاب ایدن شاهدلر مواجهه لرنده مذکور قصه  
آجیلهرق ذکر اولنان سندلر بک اوغلنده فریدییه  
زقاندیه الشمس درت نومرولی خانه ده ساکن ارتین  
عواقیان طرفندن اعطا اولنان بر قطعه مصدق  
کفالتنامه حفظ ایله مرقوم اطناشه اعطا اولندی  
و ذکر اولنان ایکی عدد قاشق و بر عدد سیم ظرف  
محکمه وزنه سنده حافظ ایدلدی و بر عدد انتیقه التونی  
ظهور ایتمدیکنندن ینه ایلروده کشادنده ظهور  
ایدن ايسه مزبوریه اعطا اولنجه جغندن تاریخ اعلاندن

اعتباراً اوج آی ظرفنده مرقوم اتمیادی اجرا  
دائره سنه کلوب اثبات وجود ایددیکی و طرفندن  
مصدق برو کیل کوندر مدیکی طانده ذکر اولنان  
کفالتنامه نک حکمی قالییه جغی کبی مزبوره اسانه  
واستالییه اعطاسی لازم کلان مذکور اشیار دخی  
اعطا اولنجه جغی و مذکور قصه مأمورین مومی الیه  
جانبلرندن ینه تحت تمهیره الشمس اولدیغی بک اوغلی  
بدایت محکمه سی اجرا مأموریتی جانبندن اعلان  
اولنور فی ۱۵ ایلول سنه ۹۱

صغیر قصابی عبدالله افندینک غلطه ده متصرف  
اولدیغی دکانک مستأجری فرار ایدن مناو اندریا  
ذمتنده مترا کم بدل ایجارک تحصیل و مدیون  
مرقومک ایوبده قوری قواق جاده سنده کآن  
بوستانده اولان حصه سنک فرارختیله اثمانندن  
استیفای مطلوب ایدلسی حقنده بک اوغلی بدایت  
محکمه سی برنجی حقوق دائره سنه اقامه ایددیکی  
دعوی اوزرینه اولبایده صدر اولان اعلام  
غیابینک بر نسخه سی اصول محاکمه حقوقیه  
قانون موقتی حکمنه توفیقاً محکمه دیوانخانه سنه  
تعلیق ایدلش اولدیغندن بو بایده مرقوم اندریانک  
حکم اعلامه بر دیه جکی اولدیغی تقدیرده کلوب  
اثبات وجود اتمی و مدت قانزیه سی ظرفنده  
باعر ضحال اعتراض علی الحکم ایلمی لازم کله جکی  
اعلان اولنور

فی سلح شوال سنه ۹۸ و فی ۲ ایلول سنه ۹۷